

ZELENO KREDITIRANJE

Addiko Bank d.d. Sarajevo: Nova linija kredita za pametna energetska rješenja



S lijeva na desno: Enver Lemeš, član Uprave Addiko Bank d.d. Sarajevo, Stela Melnic, direktorica Evropske banke za obnovu i razvoj za BiH i Jasmin Spahić, predsjednik Uprave Addiko Bank d.d. Sarajevo

Evropska Banka za obnovu i razvoj (EBRD) odobrila je Addiko Bank d.d. Sarajevo kao višegodišnjem partneru zajam od dva miliona eura u okviru višedonatorskog fonda za finansiranje zelene ekonomije (GEFF) za Zapadni Balkan. Tim povodom, u prostorijama Banke zaključen je ugovor o novoj liniji kredita za pametna energetska rješenja.

GEFF će omogućiti klijentima Addiko banke, fizičkim licima, da kroz namjenske kredite iz EBRD linije finansiraju energetske efikasne proizvode/investicije uz povrat sredstava do **20%** od iznosa kredita. Na ovaj način klijenti mogu iskoristiti priliku da finansiraju nabavku materijala i proizvoda koji unapređuju energetske performanse njihovog doma kao i obnovljive izvore energije koji doprinose očuvanju okoliša i kvalitetnijem načinu života.

Stela Melnic, direktorica Evropske banke za obnovu i razvoj za BiH, istakla je:

“EBRD sa zadovoljstvom podržava Addiko Bank d.d. Sarajevo kreditom od 2 miliona eura u okviru GEFF programa za Zapadni Balkan, pomažući građanima da svoje domove učine energetske efikasnijima, smanje energetske troškove i doprinesu zelenijoj budućnosti. Ulaganjem u pametna energetska rješenja gradimo održiviju budućnost.”

Omom prilikom posjećen je i solarni park koji je Addiko banka izgradila na krovu zgrade Centrale Banke. Na ovaj način Banka je poduzela važnu inicijativu u okviru održive politike koju primjenjuje u poslovanju s ciljem korištenja obnovljivih izvora energije.



Predsjednik Uprave Addiko Bank d.d. Sarajevo, Jasmin Spahić, prilikom potpisivanja ugovora istakao je:

„Nastojimo osigurati da se naša posvećenost održivosti ogleda kroz konkretne aktivnosti. Zeleno kreditiranje koje realizujemo zajedno s našim partnerom EBRD-om, pomaže nam da kreiramo dodatne vrijednosti i utičemo na održivu budućnost zajednice u kojoj djelujemo. Kroz odgovorno finansiranje, ulaganje u zelene projekte i podsticanje ekoloških inicijativa, smatramo da možemo postati pokretač pozitivnih promjena u društvu i da možemo uticati na stvaranje ekonomski stabilnog i osviještenog društva.“

Za detaljnije informacije po osnovu nove linije kredita, klijenti treba da se obrate u njima najbližu poslovniciu Addiko Bank d.d. Sarajevo.

GEFF za Zapadni Balkan je pokrenut 2017. godine, a zahvaljujući istom veliki broj domaćinstava je uložio oko 100 miliona eura u tehnologije za uštedu energije. EBRD GEFF na Zapadnom Balkanu sufinansiraju: Evropska unija kroz Investicioni okvir za Zapadni Balkan, Austrija, Japan, Danska, te Austrija i Švajcarska kroz partnerstvo sa visokim uticajem na klimatske mjere (HIPCA*).

HIPCA podržavaju Austrija, Kanada, Finska, Njemačka, Južna Koreja, Holandija, Švajcarska, Španija, TajvanICDF , Ujedinjeno Kraljevstvo i Sjedinjene Američke Države.